

竹谿縣志卷之十四

風俗

風自上也流自下也故曰化行而俗美其所由來非一朝一夕之故矣谿邑僻處偏隅俗鮮偷窳士以廉耻相高民惟淳樸是尙殆其天性使然耶今俗雜五方貧富相耀耳濡目染稍習奢華所謂衣食足而禮義興者豈有是乎夫轉移之權在上端本善則責有攸歸稽其習尙歷著於篇是所望於化民成俗者作風俗志

府志通論地僻士皆散處鮮所觀摩學亦易廢然多在家少

竹谿縣志

卷十四 風俗

一

遊學不從事乎詩書則用力乎南畝故士亦爲農猶然秉耒橫經之遺農之家二有恒產者服先疇無則賃而耕結茆編竹耕山犁水終歲勤動栽種則擊鼓謳歌出入則肩挑背負望衡對宇籬落參差少凍餒之民亦無千金之家往來市聚以所有易所無而已蓋啾窳偷生力田自給不仰機利而食故其人往往不事工賈其爲工者率來自五方不貴異物不作淫巧有陶瓦剗竹伐木之人無攻金琢玉雕鏤纂組之技其往來而賈者秦人居多百數十家緣山傍溪列屋爲肆號曰客民別土著也

舊志依山而居紡績而衣風氣漸開咸知績學  
舊志陝西之民五江西之民四山東河南北之民二土著之  
民二今則四川江南山西廣東湖南本省武昌黃州安陸荆  
襄之人亦多入籍親戚族黨因緣接踵聚族於斯語言稱謂  
仍操土音氣習風尚皆各以其俗爲俗  
村落以寨爲名望宇瞻衡休戚相關猶存古意  
士多負郭而居其居鄉者負耒橫經猶有古風邇來人文聿  
興皆知潛心於五經取法於先正積學敦行鮮有干預外事  
者

竹谿縣志

卷十四 風俗

二

農以稻田爲業來自楚衡者尤勤苦耐勞山農多植包穀雜  
糧播種芸耨或以鼓鑼督工一唱百和出入負戴多用背籠  
以竹爲之取便捷也

工有陶冶及攻石攻革各匠惟取堅固不尙奇巧昔多來自  
遠方今則土人亦習爲之

商多來自陝西山西河南江西及本省黃州之人百貨俱陳  
甲于都邑近日土人亦有貿易者不免逐末矣

食品多有蔬菜宴客則用雞豚今則羅列山海珍錯精益求精  
未免奢僭暑衣葛麻寒衣皮裘貧者布袍短褐婦人荆釵

裙布多知節儉今則無貧富紬紗珠翠失其舊矣節經兵燹村落市廛半燬於賊人民憔悴大有反樸之象亦時勢使然也

婚娶做六禮遺意定聘先有媒妁通辭乃具幣請庚帖於女家女家亦致品物於婿曰回庚其後送節過禮與江漢小有異同娶之日男用迎女用送三朝拜舅姑次伯叔外戚皆用贄名曰拜見受者答以拜錢宴客致賀儀如常

喪禮父母卒袒而擗踊設位成服哭於棺哭於靈俗有報廟禮哀祈神明也有承凶卽葬者有停柩擇期安葬者有修齋

作佛事者葬之前數日出訃開弔親友備祭軸祭儀喪家請禮實行家奠禮卽古虞祭之意細民家親朋或釀錢擊鼓賽歌謂之守夜猶是輓唱之遺

祭禮正月上元夜送燈拜奠清明日男婦皆祭墳設肴饌酒醴祭畢卽瑩前席地食飲謂之脰餘亦寒食意也七月十四日迎祖考神靈於堂晨昏奠茶酒中元日復設饌化楮錢如送神然十月設祭有宗祠者族姓咸集除日設祭送燈亦如上元儀

俗重報賽以仲春仲秋日擊鼓迎土神祭畢飲福卽古人春

祈秋報之意

正月元旦設饌供神男子燃香燭出門行禮謂之出天方展慶家長姻親謂之拜年

元宵前數日張燈於市羣少年裝飾獅子龍燈跳舞謂之逐疫亦儼意也端陽裹糉相贈遺

中秋賞月

九日登高賞菊

十二月二十四日爲小年晚具茶菓祀灶神

除日祀神祭先祖家人聚食曰團年飯子弟拜家長曰辭年

竹谿縣志

卷十四 風俗

四

夜坐達旦曰守歲

附載王方山觀察五簋約

夫禮始諸飲食易曰二簋可用言大禮也二簋尙可他或倍之又數倍之不其甚與四簋六簋八簋亦見之經然義取備物非曰肆割燔炙窮水陸也今則一席之設十數簋外復益多盤不如是主人且跼蹐不安更有用是爲訾議者尊前羅列下箸幾何明知浪費甘心暴殄曷爲乎今與諸僚友約賓朋讌會酌用五簋佐以蔬菓小盤四如用滿製肴馔不兼漢席烹鮮於以行禮於以聯情得豐儉之中焉司馬溫公曰會

數而理勤物薄而情厚旨哉斯言近都中京堂亦有是約以  
崇古樸况唐魏儉勤之舊與不如約者罰縉紳齊民其共守  
之余維生人嗜慾縱恣無窮口之於味其一端也茲約豐而  
得中殆駸駸乎有儉意焉敬繹其義厥美有五因爲說以廣  
之其一山珍海錯雜然前陳故謙菲薄無以娛賓相率爲僞  
鬪勝翻新守茲約也可以存真其二杯盤狼籍意氣相傾既  
醉且飽勉強撐撐以養爲傷入口滋病守茲約也可以衛生  
其三鼯鼠飲河不過滿腹無端暴殄腐餘梁肉盈案充厨物  
命亦蹙守茲約也可以惜福其四儉爲美德清淡神恬浪費  
恣取饕餮無厭古爭一介律已綦嚴守茲約也可以養廉其五  
逸諺且誕踵事增華管絃燈綵過眼風花弊去其甚甯儉  
無奢守茲約也可以保家